

Nuffasernermi siggukkut aseruuttoorneqalerneq (herpes) - Angajoqqaanut paasisutissiissut

Nuffasernermi siggukkut aseruuttoorneqalertoqarsimava (herpes)? Angajoqqaatut nappaatip tuniluussinnaaneranut pinaveersaartitseqataasinnaavutit. Ilitsersuut atuaruk meeqqallu herpes-qarsorilersimagukku sulisut tamatuminnga ilisimatikkrit.

Nuffasernermi siggukkut aseruuttoorneqalerneq (herpes)

Nappaat tappiorannartunik virus-inik patsiseqartoq amermi tinupasuaqqanik ataatsimoortunik pullaqisunik ersiutilik. Inuit amerlanersaat meeraanermiilli tunillatsittarput amerlanngitsulli nappaammut ersiuteqartarlutik.

Tunillatsinneq

Pullaqinerit seerinerannit tunillannartua pingaartumik assaat aqqutigalugit siaruaattarpoq. Napparsimassutiginaq virus-imik timiminnaittullit qisiannit nappaat tuniluukkajunnerusarpoq. Tunillaasinnaaffik: Pullaqisoqalerneraniit taakku panernissaasa tungaanut.

Pitsaaliuineq

Eqqiluisaarneq assaallu asattarnerat tuniluunnermik annikillisisinnaavoq, amerlanerilli peqqissunit tunillatsittarnerat pissutigalugu paaqqinnittarfinni avataaniluunniit pitsaaliuneqavissinnaangilaq

Nappaammut ersiutit

Tunillatsinnermiit napparsimalerneq: Ullut 2-12. Amerlanertigut pullaqinerit kingusinnerusukkut takkuffissaata nalaagut ammip aappillerneragut, kakikkaalunneragut ungillerneragullu nappaat aallartittarpoq. Ullut marlussuit qaangiunneranni pullaqinerit 1-2 mm-isut atsigisut ataatsimoortut qarnup eqqaaniikkajunnerusumi takkuttarput. Pullaqinerit erninnaq qaartarput amerlerninguuttarlutillu ammasut, sapaatillu akunnera ataaseq qaangiukkaangat panertarput.

Nappaatip takkuteqqaarnera inuummarluutaasinnaavoq qinersit suanngarlutik ilaatigullu kissar-neqaataasinnaalluni. Taamatuttaaq qarnup ameraasaa nappaammit eqqugaasinnaavoq. Kingorna taama eqqugaaneq annikitsumik amerluutaagajunnerusarpoq.

Allamik nappaateqarnermut atatillugu kingullermik amerlerfiup nalaatigut takkuteqqikkajuttarpoq ilaasalu seqinnisaarnermut immamilu nalunnguarnermut atatillugu nappaat nangiteqqissinnaasarpaat.

Nakorsartinneq

Virus-inut toqoraatinik nakorsaateqarnikkut ajorunnaarasuartinniarneqarsinnaavoq. Pullaqisoqalerpat tarnummik zink-imik akulimmik panertinneqarsinnaapput.

Meeqquerivimmukaqqinnissaq

Meeraq nuffasernermi bakterissanik aseruuttoorfiunngitsumik siggummigut amerlersoq paaqqinnittarfirmukarsinnaavoq atuariartorsinnaalluniluunniit.